



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Priori Et Conventvi Cantuarien.

urn:nbn:de:hbz:466:1-20006

vestrae per apostolica scripta districte præcipimus quatenus nisi dictus Archiepiscopus infra præfixum sibi tempus cu- raverit quod mandavimus adimplere, vos omni contradictione, dilatione, & appellatione cessantibus Ecclesiæ ipsas cum perceptis fructibus dictis monachis restituere non tardetis; detentores ipsa- rum, si vobis in hac parte immo nobis ipsis præsumperint obviare, pœna sus- pensionis & excommunicationis etiam, si opus fuerit, percellentes. provisuri ut Deum habentes præ oculis, sine per- sonarum acceptance mandatum aposto- licum taliter exequamini, quod devo- tionem vestram & nos commendare pos- simus, & Deus debeat acceptare. Quod si omnes his exequendis nequiveritis in- teresse, duo vestram ea nihilominus exe- quantur. Datum Laterani XI. Kal. De- cembris.

*RICARDO ILLVSTRI REGI
Anglorum.*

Epiſt. 435.
Ne Rœx ifam
relinquitionem
monachorum
impedit.

Intra alia quæ nos hortantur celsi- tudinis regiae titulis congaudere, il- lud tanquam memoriale, quia personam tuam syncera caritate diligimus, multa gratiarum actione prosequimur, quod jamdudum nos regiis apicibus rogavisti ut pro nullo deberemus in his quæ agi- mus à justitia tramite deviare; nec illud fuit in eisdem literis prætermissum, unde circumspectionem regiam dignis laudi- bus commendamus, ut si forte à nobis interdum aliiquid postularet quod esset obvium rationi, nolebat aliquatenus exaudiri. Nos ergo, præter officij nostri debitum, ex quo cùm, licet indigni, tem- pus acceperimus justitiam judicandi, uni- versis & singulis in jure suo existimus debitores, regiae prudentiae salutaribus exhortationibus invitati, & volentes re- gia via prudenter incedere, nec declina- re ad dexteram vel sinistram, nuper in præsentia nostra nuntiis venerabilis fra- tris nostri Archiepiscopi & dilectis filiis.. & .. monachis Cantuarien. constitutis, in facto capellæ de Lamhee de communi consilio fratrum nostrorum processimus sicut nobis fuit divinirus revelatum, & literæ quas eidem Archiepiscopo & ve- nerabilibus fratribus nostris Cantua- rien. Ecclesiæ Suffraganeis destinamus, continent evidenter. Ut autem manda- tum nostrum, quod de pura conscienc- ia Deo teste processit, liberiū valeat

adimpleri, serenitatem regiam prece- qua possumus & affectione rogamus quatenus his quæ à nobis facta sunt be- nignius annuendo, non sit impedimen- to quod minus debeant juxta rescripti nostri seriem effectui mancipari; quin potius, si quis se (quod vix credimus) duceret opponendum, ejus audacia que- sumus potestate tibi tradita reprimatur; ut mandata sedis apostolica debi- tam obtineant firmitatem. Alioquin, quantumcunque magnificentiam tuam in Domino diligamus, & sibi velimus, quantum cum Deo possumus, honestè deferre, contemptum apostolicae sedis & nostrum non poterimus æquanimiter sustinere; sed eos qui se opponere no- stris in hac parte iussionibus attenta- bunt, pœna magistra docere curabimus quam durum sit contra stimulum calci- trare. Provideat igitur regia celsitudo quod ita preces apostolicas in hac parte diligenter exaudiat, sicut petitiones suas apud sedem apostolicam cupit etiam in majoribus exaudiiri; procurans attentius ut præfatos monachos, quos sub protec- tionе nostra suscepimus, ne minores à majoribus opprimantur, dextera suæ po- tentiæ protegat & defendat; ut apud eum æternæ retributionis præmia con- sequatur qui juxta propheticum testi- monium liberavit pauperem à potentie, & inopem cui non erat adjutor. Datum Laterani XII. Kal. Decembri, pontifi- catus nostri anno primo.

*PRIORI ET CONVENTVI
Cantuarien.*

Nisi viri prudentes essetis, & sacra- rum haberetis scientiam scriptu- rarum, pro tribulationibus quæ inven- runt vos nimis, egeretis forsitan conso- lationibus aliorum. Sed imitatores Apo- stolorum effecti, ut relictis omnibus li- beriū sequi possitis Christum pauperem & egenum, amissionem temporalium, quæ debetis cum Apostolo reputare tan- quam stercore, ut Christum lucrifacere valeatis, excipere cum gaudio vos oportet, nec pro ea, sicut ceteri hominum, contristari, ne per immoderatum dolo- rem, postquam manum misit is ad for- tia, retro aspicere comprobemini, & manna contemptu ad Ægypti pepones & allia & ollas carnium alpirare. Cùm itaque non sint condigne passiones hu- jus temporis ad futuram gloriam quæ

Epiſt. 436.
Consolatoria
epistola in cau-
la Archiepisco-
pi & monacho-
rum.
Vide infra epif.
584.

K k ij

260 Epistolarum Innocentij III.

revelabitur in nobis, monemus universitatem vestram & exhortamur in Domino quatenus ad memoriam revocantes quod tribulatio patientiam operatur, patientia vero spem, spes autem secundum Apostolum non confundit, ex hoc ipso gratias agatis Altissimo, quod illi de quibus indubitatam fiduciam habebatis, retribuentes mala pro bonis, vobis non cessant detrahere, quia sequimini bonitatem, & quanto mundus, qui vos odit, quia de mundo non estis, (aliо quod suum esset diligenter) persecutio-nes vobis excitat graviore, tanto amplius patri lumen, à quo est omnino datum optimum & omne donum perfectum, in gratiarum actionibus assurgatis, qui vobis dedit patientiam in adversis. Despecta est enim confessio quam facit prosperitas, teste scriptura, quae dicit: *Confitebitur tibi, cum beneficeris ei.* Sed illa magni momenti debet existere, quam non admittit vis doloris, ejus exemplo qui ait: *Si bona suscepimus de manu Domini, mala quare non sustineamus? Sicut Domino placuit, ita factum est. Sit nomen Domini benedictum.* Nos autem, qui locum ejus licet indigni tenemus qui juxta propheticum testimonium liberavit pauperem à potente, & inopem cui non erat adjutor, affectu paterno vestris doloribus condolentes, non attendimus contra vos vultum potentis, sed ut oppressionibus vestris finis debitus imponatur, spe sola retributionis æternæ Petri gladium exeruimus ad justitiam faciendam, discretionem vestram rogantes attentiū, & obsecrantes in Domino, quatenus hanc nobis retribuatis mercedem ut apud misericordissimum judicem pro peccatis nostris preces & lacrymas effundatis, puras ad eum manus sine disceptatione levantes, ut injunctionem nobis apostolatus officium ad laudem & gloriam nominis sui, ad honorem & profectum Ecclesiae, & redemptionem & salutem animæ nostræ concedat & faciat adimplere. Datum Laterani XII. Kal. Decembris.

AIMERICO ILLVSTRI REGI & A. Regine Hierosolymitan.

Epist. 437.
Regnum Hierosolymitanum
sub protectione apostolica
recipit.

CVM terra sancta, in qua pedes Christi steterunt, & salutem nostram Deus Rex ante secula dignatus est operari, sub protectione semper debeat sedis apostolica permanere, quæ Domi-

no disponente mater esse meruit gene-
ralis; licet omnibus ad vindicandam in-
juriam Iesu Christi & ipsius terræ suc-
cursum accendentibus munimen protec-
tionis apostolica largiamur, vobis ta-
men, qui terræ illi temporaliter præesse
noscimini, tanto libentius favorem &
gratiam apostolicam impertimur, quan-
to patrocinio & auxilio nostro amplius
indigetis, & tam regnum vestrum quam
vos habemus inter alios mundi Principes
cariores. Eapropter, carissimi in Christo
filij, vestris justis petitionibus grato con-
currentes assensu, personas vestras, re-
gnum Hierosolymitanum, & cetera om-
nia quæ nunc rationabiliter possidetis,
vel in antea justis modis præstante Do-
mino poteritis adipisci, sub beati Petri
& nostra protectione suscipimus, & pra-
sentis scripti pagina communimus. De-
cernimus ergo &c. Datum Laterani IV.
Nonas Decembris.

COMITI TRIPOLITAN.

IN afflictione terræ sanctæ, quam Do-
minus pretioso sanguine comparavit,
nos vehementer affligimur, & dolor no-
ster quotidie innovatur, donec eam
pristinæ restitutam cognoverimus li-
bertati. Sanè licet instantia nostra quo-
tidiana sit omnium Ecclesiarum solici-
tudo continua, præcipuum tamen ad li-
berationem dominici sepulchri nos &
fratres nostri solitudinis studium exer-
cemos, ad subventionem ipsius cunctos
assiduis exhortationibus invitantes. Nu-
per autem cum literis plurium de parti-
bus transmarinis sedi fuisset apostolica
nuntiatum quod carissimum in Christo
filium nostrum Aimericum illustrem Re-
gem Cypri tu & alij unanimiter elegera-
tis in Regem, per quem transmarinæ ter-
ra tam ex districione personæ quam af-
fluentia rerum creditis posse salubrius
provideri, eum à quo bonum onine pro-
cedit humiliter exoravimus ut Regem ip-
sum de inimicis Christiani nominis faciat
triumphare. Cum igitur prædictus Rex,
sicut etiam in literis nobis transmissis
perspicitur contineri, quietem regni Cy-
pri dimiserit, & pro Christi nomine labo-
res subierit transmarinos, & tibi & aliis
omnibus summa sit solitudine satagendu-
mum ut regnum Cypri non debeat ali-
qua tempestate turbari, sed tranquillitate
gaudere, cum de regno illo Hieroso-
lymitanum regno, ut proponitur, multa sub-

Epist. 438.
Vt Regi Cypri
contra Saracenos
decimationi in conferendo & gubernando
regno ambo fit.